

Uunga

allannguutissatut siunnersuut

Uunga siunnersuut:Takornariartitsinermik ingerlataqarneq, inuussutissarsiutigalugu sulinermut zonenut immikkoortiterineq aamma sumiiffit ilaanni angalaarsinnaaneq pillugit Inatsisartut inatsisaat

Pingajussaarinninnermi Naalakkersuisunit saqqummiunneqartoq.

Siunnersuutip qulequutanut

1. Siunnersuutip qulequataa ima oqaasertaliorneqassaaq:

"Uunga siunnersuut:

Takornariartitsinermik suliaqarneq aamma inuussutissarsiutigalugu sulinermut zonenut immikkoortiterineq il.il. pillugit Inatsisartut inatsisaat"

§§ 1-imiit 18 ilanngullugu allannguutinut

2. §§ 1-imiit 18 ilanngullugu ima oqaasertaliorneqassapput:

"Kapitali 1
Atuuffia aamma isumasiuutit

§ 1. Takornariartitsinermik ingerlataqarnermut Inatsisartut inatsisaat atuuppoq.

Imm. 2. Inuussutissarsiutigalugu sulinermut Inatsisartut inatsisaat aammattaaq atutissaaq.

Imm. 3. Sulinuitinut sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat malillugu akuersissutini ilaatinneqartunut Inatsisartut inatsisaat atuutinngilaq.

Imm. 4. Inunnut imaluunniit inatsisitigut pisinnaatitaasunut pisussaatitaasunullu, Kalaallit Nunaannut imaluunniit Kalaallit Nunaannit imaluunniit Kalaallit Nunaanni inunnik angallassinermik suliaqartunut, tassunga atatillugu takornariartitsinermik ingerlataqarneq suliarineqarani, Inatsisartut inatsisaat atuutinngilaq, taamaattoq § 15 takuuk.

Imm. 5. Branchet, inatsisartut inatsisaannit matuminnga ilaatinneqartussaanngitsut pillugit Naalakkersuisut aalajangersakkanik erseqqinnerusunik aalajangersaasinnaapput.

§ 2. Inatsisartut inatsisaanni matumani takornariartitsinermik ingerlataqarneq ima paasineqassaaq, pingaarnertut takornarianut aningasaqarnikkut ingerlatsinerit ingerlatsinerillu allat, Kalaallit

Nunaanni misigisaqartitsinissamik iluseqartumik sullissinermik neqerooruteqarnissamik siunertaqartut, aamma ima tuniniarneqartut:

- 1) ulloq naallugu angallassinerit unnuinertaqanngitsut, aamma
- 2) angallassinerit ullunik arlalinnik sivisussuseqartut.

Imm. 2. Inatsisartut inatsisaanni matumani takornarialerisutut paasineqassaaq inuk imaluunniit inatsisitigut pisinnaatitaasoq pisussaatitaasorlu, § 3, imm. 1 malillugu takornarialerinermik ingerlataqarnissamut akuersissummik atuuttumik pilik.

Imm. 3. Inatsisartut inatsisaanni matumani takornariatut paasineqassaaq inuk, inuup nalinginnaasumik najugaqarfingisami imaluunniit najukkami avataanut sumiiffimmut angalasoq, aamma angalaneq tamarmi imaluunniit angalanerup ilaa nuannisaarnissaq, peqqissarnissaq imaluunniit sulinngiffeqarnissaq eqqarsaatigalugu pisoq, aamma tassunga atatillugu sullissinernik imm. 1-imi ilaatinneqartunik pissarsisoq.

Kapitali 2

Takornarialerinermik suliaqarnissamut akuersissut

§ 3. Imm. 2 malillugu takornariartitsinermik suliaqarneq taamaallaat akuersissummik atuuttumik pigisalimmit suliarineqassaaq.

Imm. 2. Inunnut imaluunniit inatsisitigut pisinnaatitaasumut pisussaatitaasumullu, §§ 7-miit 10 ilanngullugu malillugit piumasaqaatinik naammassinnittunut, Naalakkersuisut akuersissutnik atulersitsissapput. Takornariartitsinermik suliaqarnissamut akuersissut, tamanna immikkut ittumik pissutsit pissutissaqartippassuk, piffissamut aalajangersimasumut killilerlugu atulersinneqarsinnaavoq.

Imm. 3. Akuersissutip atuuffiani tamarmi, §§ 7-miit 10 ilanngullugu piumasaqaatit takornariartitsisup naammassissavai. Takornariartitsisup piumasaqaatit naammassingippagit, inatsisartut inatsisaanni § 14, imm. 1 malillugu takornariartitsisoq naalakkiummik atulersivigineqarsinnaavoq. Isumannaallisaaneq pillugu eqqarsaatigisassat suliarineqarnissaannut aamma uumasut pinngortitamilu sumiiffit aalajangersimasut qajassuunneqarnissaannut, takornariartitsinermik suliaqarnissamut akuerissutip piffissami atuuffiani ilutsit aalajangersimasut suliarinissaannut, malittarisassani piumasaqaatinik amerlanerusunik, takornarialerisup naammassisassaani, Naalakkersuisut aalajangersaasinnaapput.

Imm. 4. Takornariartitsinermik suliaqarnissamut akuersissut, Naalakkersuisunit allakkatigut akuersissuteqarnikkut allanut tunniunneqarsinnaavoq.

Imm. 5. Takornariartitsinermik suliaqarnissamut akuersissutit Naalakkersuisut tamanut saqqummiussinnaavaat.

Imm. 6. Takornarialerisumi takornariartitsinermik suliaqarnermit 1-mit arlalinnilluunniit aningasatigut kaaviiartitsineq katillugu ukiumut 50.000 kr.-it qaanginngippagit, imm. 1 apeqqutaatinnagu akuersissuteqarnissamik piumasaqaat atuuppoq.

§ 4. Suliniutit inatsisartut inatsisaanni aamma takornariartitsinermik suliaqarnissamut akuersissutit kiisalu taakkuninnga nakkutilliinermut ilaatinneqartut pillugit paasissutissat, oqartussaasut suliariinnerannut pisariaqartinneqartut tamaasa, takornariartitsinermik suliaqarnissamut akuersissummik qinnuteqartut takornarialerisullu nalunaarutigissavaat.

Imm. 2. Statistikkiliornissamut siunertat anguniarlugit, imm. 1 malillugu paasissutissat kinaassutsimik ilisarsisinnaajunnaarsillugit, pisortat oqartussaasuunut aamma ingerlatseqatigiiffiinut namminersorlutik oqartussanit pigineqartunut Naalakkersuisut avitseqatigiissutigisinjaavaat.

Imm. 3. Imm. 1 malillugu akuersissutit pillugit takornariartitsinermik suliaqarnissamut aaqqissuussinerup suliassiissutigineqarnissa siunertalarugu, pisortani oqartussaasunut imaluunniit ingerlatseqatigiiffiinut namminersorlutik oqartussanit pigineqartunut, § 6, imm. 1 malillugu Naalakkersuisut pisussaaffiinik pisinnaatitaanerinillu tigusimasunut, paasissutissat Naalakkersuisut avitseqatigiissutigisinjaavaat.

§ 5. Kalaallit Nunaanni takornariartitsinermik suliaqarnissamut akuersissutit atulersinneqarnerannut piumasaqaatit ingerlatseriaatsillu pillugit malitarisassat erseqqinnerusut Naalakkersuisut aalajangersarsinjaavaat, matumanit takornarialerisut nalunaarusiornissamik pisussaaffii aamma paasissutissat allat nalunaarutiginneqarnissaannut piumasaqaatit pillugit.

§ 6. § 3 malillugu takornariartitsinermik suliaqarnissamut, § 13 malillugu nakkutilliinissamut, § 14, imm. 1 malillugu naalakkiummik nalunaaruteqarnissamut, kiisalu § 14, imm. 2 malillugu takornariartitsinermik suliaqartumut akuersissutip utertinneqarneranut atatillugu aamma piginnaatitaanerit pillugit pisussaaffitsik, ingerlatseqatigiiffimmut namminersorlutik oqartussanit pigineqartumut imaluunniit kommunalbestyrelsimumt ataatsimut Naalakkersuisut tunniussinjaavaat.

Imm. 2. Ingerlatseqatigiiffik namminersorlutik oqartussanit pigineqartoq imaluunniit kommunalbestyrelse ataaseq, imm. 1 malillugu pisussaaffinnik pisinnaatitaanernillu tunineqartoq, pisussaaffinnut pisinnaatitaanernullu taakkununnga atasumik inatsisini ingerlatsinermut tunngasuni malittarisassanut tunngavinnullu, Kalaallit Nunaanni Namminersorlutik Oqartussat ataanni pisortat ingerlatsineranni atuuttunut ilaatinneqassapput, matumanit pisortat ingerlatsineranni suliassat suliariqeartarerat pillugu Inatsisartut inatsisaat aamma inunniik paasissutissanik suliariinnittarneq pillugu inatsit ilanngullugit.

Imm. 3. Pisuni pisussaaffit pisinnaatitaanerillu ingerlatseqatigiiffimmut namminersorlutik oqartussanit pigineqartumut imaluunniit kommunalbestyrelsimumt ataatsimut tunniunneqarneranni, nakkutilliineq pillugu kiisalu naammagittaalliorinjaaneq pillugu Naalakkersuisut malittarisassanik erseqqinnerusunik aalajangersaasinnaapput.

Kapitali 3

Pisinnaatitaaffinnik piginnittut

§ 7. Takornariartitsinermik suliaqarnissamut akuersissut inummut taamaallaat tulliuttuni taaneqartunik naammassinnittumut nalunaarutigineqarsinjaavoq:

- 1) Kalaallit Nunaanni inunniq nalunaarsuisarfimmi adresseqartumut,
- 2) Kalaallit Nunaannut tamakkiisumik akileraartussaatitaasumut, aamma
- 3) nammineq pisuussutiminik tamakkiisumik atuisinnaasumut aamma akiliisinnaajunnaarneq-, akiliisinnaannginneq- imaluunniit atorunnaarsitsineq pillugit suliaqarfingineqanngitsumut.

§ 8. Inatsisitigut pisinnaatitaasumut pisussaatitaasumullu takornariartitsinermik suliaqarnissamut akuersissut taamaallaat nalunaarutigineqarsinnaavoq ukununnga:

- 1) suliffeqarfimmut piginnittut aningaasaliissutaannaanit akiliisussatut pisussaatitaasumut imaluunniit ingerlatseqatigiiffimmut ingerlatseqatigiiffimmi peqataasup minnerpaamik ataatsip ingerlatseqatigiiffiup akiligassaanik akiliisussatut pisussaatitaasumut Kalaallit Nunaannilu angerlarsimaffeqartumut,
- 2) akiliisinnaajunnaarnermik-, akiliisinnaannginnermik- imaluunniit atorunnaarsitsinissaq pillugit suliaqarfingineqanngitsumut,
- 3) tassani suliffeqarfipiup piginnittut aningaasaliissutaannaanit akiliisussatut pisussaatitaasup aningaasaataasa affai sinnerlugit inunniit, § 7, nr. 1-miit 3 ilanngullugu piumasaqaatinik naammassinnittunit toqqaannartumik toqqaannangitsumilluunniit pigineqarluni,
- 4) tassani suliffeqarfimmi piginnittut aningaasaliissutaannaanit akiliisussatut pisussaatitaasumi taasisinnaatitaanermut piginnaatitaaffiit affai sinnerlugit toqqaannartumik toqqaannangitsumilluunniit inunniit, § 7, nr. 1-miit 3 ilanngullugu piumasaqaatinik naammassinnittunit, pigineqarlutik, aamma
- 5) tassani ingerlatseqatigiiffimmut ingerlatseqatigiiffimmi peqataasup minnerpaamik ataatsip ingerlatseqatigiiffiup akiligassaanik akiliisussatut pisussaatitaasumi peqataasut affai sinnerlugit § 7, nr. 1-miit 3 ilanngullugu piumasaqaatinik naammassinnillutik.

Kapitali 4

Sillimaniarnermut pilersaarutit

§ 9. Sullissinernut inatsisartut inatsisaanni matumani ilaatinneqartunut, aamma qinnuteqartup tuniniassallugit eqqarsaatigisaanut, takornariartitsinermik suliaqarnissamut akuersisummik qinnuteqartut, allakkatigut sillimaniarnermut pilersaarummik suliaqassapput.

Imm. 2. Sillimaniarnermut pilersaarut qaqugukkulluunniit kalaallisut tuluttullu takornarianit tikinnejqarsinnaassaaq.

Imm. 3. Sillimaniarnermut pilersaarut ajutoorutaasinnaasunik nalilersuinermik aamma upalungaarsimanissamut pilersaarummik katitigaassaaq aamma nutarterneqarsimassaaq.

Imm. 4. Pissutsit navianarsinnaasut pingaaruteqarnerpaat, sulinummuit inatsisartut inatsisaanni matumani ilaatinneqartumut atassuteqartut pillugit, ajutooratarsinnaanermik nalilersuineq erseqqisumik annertuumillu paasissutissanik takornarianut ilisimasaqalersitsinissamut naleqquttuussaaq. Suliniutip piareersarneqarnerani ajutoorutaasinnaasunik nalilersuineq sulisut toqqarneqarneranni tunngaviussaaq, matumani angalanermi siulersuisut, angalanermi piffissaliussaaq, pissutsit avataanersut nalilersorneqarneranni, atortussat toqqarneqarneranni il.il.

Imm. 5. Upalungaarsimanissamut pilersaarut ajutoorutaasinnaasunik nalilersuinermik tunngaveqassaaq aamma tulliuttunik imaqassalluni:

- 1) annakannajaartoqartillugu imaluunniit ajunaarnermik pisoqartillugu iliuusissat aalajangerneqartussat allaaserineqarnerat,
- 2) sulisuni ingerlataqarnermi peqataasuni ilisimasassat, misilittagaqarnissaq aamma pisinnaasaqarnerit pillugit paasissutissat, aamma
- 3) qinnuteqartup sulisuisa navianartumik pisoqartillugu qanoq qisuarialeqarnissaat pillugit, matumani attaveqaqatigiinnerup eqqarsaatigineqarnera ilanngullugu, paasissutissat.

Imm. 6. Pisuni inatsisiliornerit allat imaluunniit aalajangersimasumik sulisaatsit, suliniutip pineqartup suliarineqarneranut atasumik isumannaallisaanermut piumasaqaatinik malittarisassiuussisut, aamma qinnuteqartup eqqortissallugit pisussaaffigisai, atuutsillugit, imm. 1- miit 5 ilanngullugu aalajangersakkaniittut atuutinngillat.

Kapitali 5

Sillimmasiinermiit matussusiineq aamma allatut qularnaveeqquusiineq

§ 10. Takornariartitsinermik suliaqarneq inatsisartut inatsisaanni matumani ilaatinneqartoq inuussutissarsiornermi akisussaanermut sillimmaserneqarsimassaaq imaluunniit allatut qularnaveeqquuserneqarsimassaaq.

Imm. 2. Pisuni, takornarialerinermik suliaqarnerup suussusaani tassani matussusiisussamik inuussutissarsiornermi akisussaanermut sillimmassiisinnaaneq periarfissaatinnagu, aammattaaq qularnaveeqquusiinissaq alla periarfissaatinnagu, imm. 1 atuutinngilaq.

Imm. 3. Imm. 1 malillugu sillimmasiinermiit matussuserneqarnissamut aamma qularnaveeqquusiinissamut piumasaqaatit pillugit Naalakkersuisut malittarisassanik erseqqinnerusunik aalajangersaasinnaapput.

Kapitel 6

Immikkut ittumik akuersissutit

§ 11. Pisuni immikkut ittuni §§ 7-imiit 10 ilanngullugu aalajangersakkaniit aamma inatsisartut inatsisaanni matumani § 3, imm. 4-p, § 5-ip, § 6, imm. 3-p, § 10, imm. 3-p aamma § 15-ip malitsigisaannik aalajangersakkaniit aalajangersarneqartunit, piumasaqaatinit Naalakkersuisut immikkut ittumik akuersissuteqarsinnaapput.

Kapitali 7

Akiliutit

§ 12. § 3, imm. 2 malillugu takornarialerinermik suliaqarnissamut akuersissummik qinnuteqartunit kiisalu oqartussaasut suliarinnerannut atasumik aningaasartuutinut takornarialerisunit Naalakkersuisut akilummik akileeqqusinnaapput.

Imm. 2. Imm. 1 malillugu akiliutit akilerneqarnissaat pillugit malittarisassanik erseqqinnerusunik Naalakkersuisut aalajangersaasinnaapput.

Kapitali 8

Nakkutilliineq, naalakkiuteqarneq aamma takornarialerinermik suliaqarnissamut akuersissutip utertinneqarnera

§ 13. Inatsisartut inatsisaannik malittarisassanilu inatsisartut inatsisaata massuma malitsigisaannik takornarialerisut il.il. eqqortitsinerat Naalakkersuisut nakkutigissavaat.

§ 14. Inatsisartut inatsisaata aamma inatsisartut inatsisaat manna malillugu malittarisassat aalajangersarneqartut pillugit eqqortitsisoqarnissaanik naalakkiuteqarneq, Naalakkersuisut takornarialerisunut il.il. nalunaaruteqarsinnaapput.

Imm. 2. Takornarialeroq inatsisartut inatsisaat malillugu naalakkummik naammassinninngippat, takornarialerinermik suliaqarnissamut akuersissut inatsisartut inatsisaat manna malillugu atulersinneqartoq Naalakkersuisut utertissinnaavaat.

Kapitali 9

Inuussutissarsiutigalugu sulinermut zonenut immikkoortiterineq il.il aamma sumiiffiit ilaanni atuisinnaatitaanermut killiliineq

§ 15. Sumiiffiit ilaanni atuisinnaanermut killiliineq, aamma inuussutissarsiutigalugu suliaqarneq taamaallaat sumiiffinni erseqqinnerusumik aalajangerneqartuni, piffissani erseqqinnerusumik aalajangerneqartuni imaluunniit piumasaqaatit immikkut ittut eqqortinneqarnerisigut pisinnaaneri pillugit, malittarisassanik erseqqinnerusunik Naalakkersuisut aalajangersaasinnaapput.

Kapitali 10

Pineqaatissiinerit

§ 16. Inummut piaaraluni imaluunniit mianersuaalliorujussuarluni tulliuttunik iliuvuseqartumut Kalaallit Nunaanni Pinerluttulerinermi inatsimmi malittarisassat malillugit akiliisitsisummiik akiliisitaasussanngortitsisoqarsinnaavoq:

- 1) § 3, imm. 1 malillugu takornariartitsinermik suliaqarnissamut akuersisummiik atuuttumik peqarani takornariartitsinermik suliaqartumut,
- 2) Takornariartitsinermik suliaqarnissamut akuersisummut piumasaqaatit inatsisartut inatsisaat manna imaluunniit inatsisartut inatsisaat manna malillugu malittarisassat aalajangersarneqartut malillugit nalunaarutigineqartunik unioqququtitsisumut.
- 3) § 4, imm. 1 malillugu oqartussaasut il.il. pisassaannik paasissutissanik eqqunngitsunik imaluunniit salloqittaataasunik nalunaaruteqartumut imaluunniit paasissutissanik nipangiussisumut.
- 4) § 14, imm. 1 malillugu naalakkummik naammassinninngitsumut.

Imm. 2. Inatsisartut inatsisaat imaluunniit inatsisartut inatsisaat manna malillugu malitassat atulersinneqartut akiliisitsissummic aalajangiisoqarnissa periarfissaliissutigineqartillugu, akiliisitsissut Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasumut pisussaatitaasumullu naalakkiutigineqarsinnaavoq.

Imm. 3. § 5, § 10, imm. 3, aamma § 15 malillugit malitassani atulersinneqartuni, Kalaallit Nunaanni pinerluttulerinermi inatsimmi malittarisassat malillugit pineqaatissiinerit akiliisitsissutit ilusillit aalajangersarneqarsinnaapput.

Imm. 4. Inatsisartut inatsisaata imaluunniit inatsit malillugu malittarisassat aalajangersarneqartut unioqququtinnejnarnerani, Kalaallit Nunaanni pinerluttulerinermi inatsimmi malittarisassat malillugit arsaarinnittooqarsinnaavoq. Arsaarinninnej nunatta karsianut iluanaarutitut pissaaq.

Imm. 5. Akiliisitsissutit, inatsisartut inatsisaat manna imaluunniit inatsisartut inatsisaat manna malillugu malittarisassat aalajangersarneqartut malillugit akiliisitaasussanngortitaasut, nunatta karsiata pissavai.

Kapitali 11

Eqqartuussivilersuussisisinnaaneq

§ 17. Pissutsit inatsisartut inatsisaanni ilaatinneqartut pillugit aalajangiineq, aalajangiinerup akuusumut nalunaarutigineqarnerata kingorna qaammatit 6 piffissaliunneqartut iluanni eqqartuussivinnut saqqummiunneqarsinnaavoq.

Imm. 2. Suliat inatsisartut inatsisaanni ilaatinneqartut, Nunatsinni Eqqartuussivimmuit suliarinneqqaarfittut saqqummiunneqassapput.

Imm. 3. Naalakkersuisut allatut aalajangiisimatinnagit, aalajangiinerup eqqartuussivinnut saqqummiunneqarnera aalajangiinerup naammassineqarnissaata kinguartinneqarnissaanik kinguneqanngilaq.

Kapitali 12

Atuutilersitsinermut- ikaarsaariartitsinermullu aalajangersakkat

§ 18. Inatsisartut inatsisaat ulloq 1. januar 2025 atuutilissaaq.

Imm. 2. Takornariartitsinermik suliaqarnernut, piffissami inatsisartut inatsisaata atuutilernissaa sioqquttsiarlugu inatsisit malillugit suliarineqartunut, inatsisartut inatsisaat 1. januar 2027 ilanngullugu atuutinngilaq.”

Siunnersummut oqaaseqaatit

Oqaaseqaatit nalinginnaasut

Inatsisartut inatsisaata kalaallisoortaata qallunaatoortaatalu akornanni oqaatsitigut naapertuttoqarnissaata qulakkeerneqarnissaa allannguutissatut siunnersuutip qulakkiissallugu siunertaraa.

Inatsisissatut siunnersuummi aalajangersakkanut ataasiakkaanut oqaaseqaatit

Nr. 1-imut

Allannguutissatut siunnersuummi oqaaseqaatit nalinginnaasut innersuussutigineqarput.

Nr. 2-imut

Allannguutissatut siunnersuummi oqaaseqaatit nalinginnaasut innersuussutigineqarput.